

賊

情

彙

纂

賊情彙纂卷七

偽文告

羣逆皆因盜兇徒識字者少倡亂之始並無所謂文告也即有急事皆首逆數人杜撰隱語互相傳說或楊逆詭稱天父下凡示羣下以七言詩句其辭誕怪不經亦多費解從無由下具稟之事及攻陷永安州

始署偽官頒條教有本章稟奏誥諭誡諭
諸名色然朝更夕改究無定制癸丑二月
陷江甯文士吏胥多被脅於是則標新立
異修飾而潤色之居然成文今就俘獲賊
中文卷及逃人口述綜覈而編輯之總名
曰偽文告分別條目於左

偽詔旨

偽詰諭

附誠諭誨諭札諭照會批式封筒式

偽本章

附稟奏稟報各件

偽告示

偽律

偽官照

附關憑暗記憑據賊館門牌印據船票船牌

偽貢單

附鄉官門牌封條

偽文字

附隱語聯句

賊情彙纂卷七

偽文告上

偽詔旨

凡洪逆所出偽詔賊中稱為天王詔旨前在粵
西尚未敢明目張膽宣示於外不過以隱語出
之戒約羣下而已曾於偽書中見桂平茶地時
所出偽詔有高老山山令要遵十字有一筆祈

祈等語初亦不解後詢之賊中逃出之人始悉
高老即天父山山即出字十字有一筆即千字
大抵言天父令要遵千祈之意以拆字法出令
尤為匪夷所思既陷江甯倭然自肆遂用數尺
黃綢畫硃格首行列天王詔旨四字餘係洪逆
親書天王詔曰云云雖欽此二字亦係自寫其
黃綢長三尺橫幅朱絲天王二字出格雙擡字

尚端正方圓徑寸行楷相兼任意揮灑其句讀
則如俚曲盲詞大都費解窺其意似亦稍知文
義者故意矯揉造作成此支離蔓衍之調以惑
愚人之聞聽兼使我將帥知之謂為弁鄙不足
道而輕視之也但偽詔甚多此外仍有秘而不
宣以及外人不得而見者無從着筆統俟掃穴
犁庭時盡獲賊中偽文案再行增入可也謹就

所知摹數式於後庶畧見逆賊狂悖僭妄之意
云

偽詔旨式

用橫幅黃綢直格朱絲天王詔曰四字條刻成刷印者洪逆託其下用朱筆狂草任意揮灑偽年月日上蓋大偽印

天王詔曰萬樣

云爺六日造今時今日好誅妖地轉實為新地兆天旋永立新
天朝軍行速追誥放膽京守嚴巡滅叛逃一統江山
圖已到胞們寬草任逍遙欽此

太平天國癸好叁年肆月

日

天王詔曰咨爾史臣萬樣更新詩韻一部足啓文明今特
詔左史右史將朕發出詩韻一部遵朕所改將其中
一切鬼話怪話妖話邪話一概刪除淨盡只留真話
正話鈔得好好繳進候朕披閱刊刻頒行欽此

年 月

日

天王詔曰咨爾清胞名份昭昭詰諭兵士遵命道條音天天下

皇帝獨一

天父皇上帝是也

天父皇上帝而外有人稱

皇帝者論天法該過雲中雪也天下

大哥獨一

天兄耶穌是也

天兄耶穌而外有人稱

大哥者論天法該過雲中雪也繼自今詔明天下以後犯者勿怪也欽此

年 月

日

天王詔曰高天燈草似條箭時時

天父眼針針不信且看黃以鎮無心

天救何新金吹去吹來吹不飽如何咄蠢變生妖戒烟病死勝
誅死脫鬼成人到底高並欽此

年

月

日

偽誥諭

附誠訓誨札各諭平行照會將憑批式封筒式

賊中行事多所更張初出一令雷厲風行三日
之後不弛則改益慮官兵之偵探兼防逃人之
漏洩未始非賊之勝算而獨於一切誥諭諸名
目自矜井井有條故至今猶仍之近年俘獲賊
中文卷甚多特擇其簡而明者附錄於後以見
寇盜之偽制政令不過如是而已洪逆深居簡

出從無出令之事即偶發一詔已詳前說其軍
旅各務皆楊韋石三逆密計妥協大事則登偽
朝面奏小事即具偽本章入奏亦有時事過方
奏或竟不奏者其所屬偽官及分擾各省之劇
賊當封賞遣發時必頒給楊逆將憑一張用黃
洋綢寫好鈐蓋雙印准劇賊在外先斬後奏若
無楊逆將憑而在外殺人者以故殺論抵雖有

此令究未遵奉控訴者百中之一倘竟控准亦
論抵償此將憑之大畧也至一切軍務無有不
行偽文以徧諭者楊逆之所行稱誥諭自諭韋
逆始韋逆之所行稱誠諭自諭石逆始石逆稱
訓諭自諭偽燕豫始燕豫稱誨諭諭侯至兩司
馬止侯以下均謂之札諭若平行之文自偽燕
豫始凡平行者均謂之照會偽王皆用黃紙黃

封筒硃印雲龍邊面刻偽銜背刻偽年月日及
遞至何處何官開拆等字樣偽侯以下則用紅
紙奢僭無比不成文書款式畧如道教章疏逮
甲寅年賊踞江寧日久為聲色所迷思無為而
治所有政事悉由偽侯相商議停妥具稟於石
逆不行則寢其說行即代楊逆寫成偽誥諭差
偽翼參護送楊逆頭門交值日偽尚書掛號訖

擊鼓傳進俄頃蓋印發出卽由偽東參護送韋
逆偽府登簿再送至石逆處彙齊由佐天侯發
交疏附官分遞各處雖層層轉達而毫無窒礙
曾於一日之內發諭至三百件之多緣軍務中
又雜以喜慶諸事也倘遇緊要事件則以尺許
黃綢寫成偽詔諭重包密裹外做家信式樣以
重價令沿江百姓投遞許以顯官厚賞愚民無

知既利其銀又冀得官鮮有不墮其術中者若
在外之劇賊其有急事亦用此法寄稟奏回江
甯八月我官兵克復武漢曾獲黃綢偽誥諭一
件其餘偽諭不可勝計此數耳中其所積文稿
想已汗牛充棟官軍隨處俘獲亦皆成束成綑
惜俱已往事迹於現在剿辦事機亦殊不合况
鄙俚荒誕毫無關係若每件必錄未免繁冗贅

復茲於各偽諭每式摹錄一二通著其規模舉隅可知賊中之文義機宜已無餘蘊矣

偽誥諭式

黃紙摺疊頁數無定長一尺四寸寬八寸面寫誥諭二字逐句用硃筆圈照偽年月上用雙印

真天命太平天国

勸慰師聖神風禾乃師
贖病主左輔正軍師東王

為

誥諭國宗韋俊石鳳魁國相石佐邦暨各偽將等知悉蒙

天父

天兄大開天恩特差我

真主天王降凡宰治天下茲於玖月貳拾肆日又蒙

天父勞心思命

王四殿下下凡繼治天下佐理萬國之事真是

天朝喜事重重有加無已爾等出師在外未得週知為此
特行誥諭仰爾國宗暨各佐將傳諭各統下官員人等俱
要多多備辦奇珍異寶差派妥員押解回京以備拾月獻壽日

王四殿下滿月之期

天王登朝謝 天之用爾等在外亦於是日虔敬

天父以報 天恩其餘軍務一切俱要凜遵

本軍師前回頒行誥諭而行可也諭到亟宜凜遵毋違誥諭

年 月

日

回覆偽誥諭式

紙色尺寸同上

真天命太平天國

勸慰師聖神風禾乃師楊
賸病主左輔正軍師東王

為

誥諭燕王奏曰綱弟知悉茲於玖月貳拾玖日接閱
弟之稟奏疊次令員解回錨纜等項俱已備悉查收
但弟前奉

天命鎮守田家鎮卡

本軍師前已頒行誥諭令弟在田家鎮地方兩岸築起

堅固營盤並造起木牌水城在江心挽泊堵禦誠恐
弟等在該處一時未曾造得今

本軍師在朝造有能上水木牌一座特差本府承宣涂
鎮興押解前來俟木牌到日仰弟等安足軍裝炮燒踏
看河道何處可以挽泊趕緊挽好並仰弟等同本府
承宣依式整造多座安好炮位以誅妖魔可也諭到
之日亟宜凜遵毋違誥諭

年 月

日

偽誡諭式

黃紙硃圓雙印同上式惟長潤遞減一寸

真天命太平天國雷師後護又副軍師北王韋

為

誡諭國宗石鳳魁兄地官副丞相黃再興弟知悉緣蒙

天父

天兄大開天恩特差

真主天王降凡宰治天下又差

東王下凡輔佐天朝佐理國政正是萬國來朝之候殘妖絕滅之時今

本軍師在朝間得湖北地方仍有些少殘妖不時前來作怪皆
兄等前時誅妖未經滅盡之故為此特行誡諭諭到之日仰兄

等即時統兵分巡各郡縣遇妖即誅見民必救務期掃盡妖氛
不留餘孽倘該縣良民有勾結通妖及引妖魔入境等弊一經
訪確即行剿洗毋得姑容致負

天父

天兄及我

主天王

東王委任之意

本軍師不憚誠之諄諄兄等慎勿聽之泛泛也亟宜凜遵毋違誠諭

年

月

日

偽訓諭式

長潤遞減一寸餘同上式

真天命太平天国電師左軍主將翼王石

為

訓諭秋官又正丞相曾添養弟知悉緣於陸月貳拾
肆日接閱弟等具回稟報兄已備悉惟稟稱妖魔十
分作怪難以取勝恐岳州城池難守等情兄已將此
情由稟奏

東王殿下俟奉到誥諭再行諭知弟等在外俱要事事
靈變加意堤防如若岳州城池十分難守弟等可即

退赴下游堅築營盤靜候

東王誥諭遵行毋得愼悞統俟

天父大開天恩大顯權能任那妖魔一面飛總難逃我

天父

天兄手段過也時時將此道理講與眾兵士聽不可使有別
意也為此特行訓諭到亟宜凜遵毋違訓諭

年

月

日

偽誨諭式

長潤遞減一寸餘同工式

真天命太平天国燕王秦

為

誨諭殿右叁拾檢點陳玉成弟暨指揮將軍總制等
官知悉茲於捌月貳拾肆日接閱弟等稟申各件俱
悉一切但圻州地方現下雖有些少殘妖不時前來
作怪俱仰弟等在彼堅築營盤約束兵士心靈變嚴
加防範毋使妖魔攔入並將

天情道理時時宣講令眾兵士放膽誅妖萬事總有

天父主張

天兄擔當不用慌也其餘軍務一切仍要凜遵

東王誥諭而行便是為此特行誨諭諭到亟宜凜遵毋違誨

諭

年

月

日

偽札諭式

紅紙用十頁金東為之逐句硃圈自偽札諭以下各偽文非緊事不用雙印

真天命太平天國真忠報國佐天侯加壹等世襲陳

札諭

地官副丞相黃再興弟知悉緣蒙

天父

天兄大開天恩命我

主天王降凡宰治天下又命

東王下凡佐理天下輔治朝綱正是萬國來朝之候大興土木之時

現因建造

天朝宮殿及

東王府內殿所需工匠甚多茲據冬官又正丞相賓福壽稟稱湖北漢陽地方木工廣有今特着協理石映發柳啓傳前來招集一俟招有即便押解回京以供

天朝及

東王府應用等情為此特行札諭仰該協理前來第處稟知如果招有木工兄弟即飭其速即回京不得在外逗留至軍務一切俱仰遵

東王頒行誥諭而行便是為此特札

年 月

日

偽平行照會式

紅紙硃圈

太平天国冬官正丞相功勳加壹等羅

照會

天朝因宗石兄知之玖月貳拾叁日接閱

兄台拾捌日來函得知退至下游駐紮田家鎮招集散

兵再圖進取等情然勝敗兵家常事尚望

兄台將天情道理教導兵士必須堅耐自有

天父看顧也此是兵士修鍊不正以致

天父義怒嗣後宜修好鍊正才是至請發糧草紅粉等件現據

貳拾壹檢點覃炳賢弟由九江回省稱該處糧米甚
屬便宜安省米糧已解 天京諸求

鑒原為幸至紅粉等件前已解赴九江安省亦在缺乏
其令人帶兵前來接濟一層現

燕王親來九江一帶誅妖

兄可專文請

燕王酌議為是特此照會

年 月

日

偽將憑式

用黃洋絹二尺留邊寸餘偽年月日蓋楊逆雙印

真天命太平天国

勸慰師聖神風未乃師楊
賸病主左輔正軍師東王

為

頒給將憑以昭命令事照得令嚴方可以肅兵威命

重始足以整綱紀茲蒙

天父

天兄大開天恩

本軍師在朝奏蒙

天王旨准特命地官副丞相黃再興前赴湖北地方掃滅

妖魔撫安良善恐軍中兵士以及該統下人等有不
遵條命任意犯科者許爾佐將審實口供將該犯先
行斬首遊營示眾再將所犯情由粘供具稟回朝候
本軍師詳核定擬轉告簿書衙將該犯官冊除名以昭
慎重該佐將亦不得任意好殺荼毒善良致干反究
為此特給將憑存執遵行切切須至憑者

右給地官副丞相黃再興出師湖北地方准此

年

月

日

主言

偽詔旨係程奉璜默寫自偽詔誡各
諭至封條皆照俘件摹錄後不註

偽批式

東王

金批

云

云

此處蓋偽尚書印

太平天國甲寅肆年


月

日


某官某人於某年月日稟奏為某事奉

偽批式長濶無定偽王皆黃紙偽侯以次皆紅
紙凡其下具稟奏楊逆閱後發出交偽丞相擬
批偽尚書謄批偽侯以次則由所屬六部書六
部掌書擬批謄批然所批字不謄於原稟之後
故另有此式既謄之後則張貼於署門首亦間
有用封筒遞回者

偽文封筒式



正面



背面

楊逆偽誥諭封筒皆細黃紙厚裱為之長二尺
濶一尺正面雲龍海水邊中列偽銜背面係偽
年月日諸字如所繪式皆用硃紅刷印其地名
月日人名則用墨筆填寫背面封口處蓋偽印
一顆餘處無印韋石諸逆偽文封筒如之惟不
用雲龍遞改獅麟豹虎繪畫四邊偽侯以下則
用紅紙

偽本章

附稟奏稟報各件

羣賊具奏於洪逆概謂之本章然不能逕達必
由楊逆率韋石諸逆轉奏能列名於本章者惟
楊韋石三逆下此具本章於洪逆僅請安賀喜
謝恩而已概不准奏事且必須請楊逆蓋印否
則洪逆不閱若一應軍務各偽官俱具稟楊逆
謂之稟奏夫下奉上謂之稟臣對君謂之奏從

無以此連貫成文者稟奏二字臆造甚新緣楊
逆下洪逆一階羣醜之屬望推尊幾過於洪逆
故標此以示尊崇之意大權悉為楊逆所攬是
以本章寥寥而稟奏獨多即如犯偽令各案亦
皆由下擬定楊逆入奏洪逆從無駁者賊巢百
務亦皆楊韋石三逆議奏施行在外賊目大小
事件纖毫必稟如稟楊逆謂之稟奏稟韋石二

逆謂之稟報稟秦胡二逆謂之稟申侯以下均
謂之敬稟重複累贅筆墨繁多凡韋石二逆所
稟稱小弟某某不繫偽銜秦胡二逆稱卑爵亦
不繫偽銜侯至兩司馬則書偽銜加小卑職三
字於名上此賊中文案之大概也今就俘獲之
件編次自本章至敬稟各著一式庶覽賊情者
得燭照其隱微而鬼域情形亦無地可以遁匿已

偽本章式

用大黃紙疊成四頁頁面朱畫雲水雙龍中空三寸長格墨筆寫本章二字工蓋楊逆偽印肩裏紅格十二行行各二十四字不用封筒另用紅紙鋪龍護書裝入紅紙套內由偽參預遞至偽朝門當日批出即由偽侍衛遞至石達頭門

小弟楊秀清立在

陛下暨小弟韋昌輝石達開跪在

陛下奏為議定職官懇 恩封賞事緣蒙

天父

天兄大開天恩差我

主二兄降凡為天下萬國真主建都

天京

天事日繁

日多需人佐理今弟等大膽僭議開具名單一並啓
奏我

主萬歲

旨准施行以便弟等轉飭詔命官書成金榜張掛朝門如

此緣由理合肅具本章啓奏我

主萬歲萬歲萬萬歲御照施行

年 月

日

御照胞等所議是也即照單封職勤理天事便是欽此

小弟楊秀清立在

陛下暨小弟韋昌輝石達開跪在

陛下奏為微辦米糧以裕 國課事緣蒙

天父

天兄大開天恩差我

主二兄建都 天京兵士日眾宜廣積米糧以充軍儲而裕

國課弟等細思安徽江西糧米廣有宜令鎮守佐將在彼曉

諭良民照舊交納糧稅如蒙

恩准弟即頒行誥諭令該等遵辦解回 天京

聖倉堆積如此緣由理合肅具本章啓奏我

主萬歲萬歲萬萬歲御照施行

年 月

日

御照胞等所議是也即遣佐將施行欽此

小弟楊秀清立在

陛下暨小弟韋昌輝石達開跪在

陛下奏為僭議制度請

旨遵行事緣蒙

天父

天兄大開天恩差我

主二兄降凡為天下萬國真主正是萬國來朝之後太平一統之時須

明定制度章程以壯

天父之威風弟等大膽僭議

二兄朝帽用雙龍雙鳳帽額上繡一統山河下繡滿天星斗弟朝帽用
雙龍單鳳帽額繡單鳳企雲中正弟朝帽亦用雙龍單鳳帽額繡
單鳳企山崗達弟朝帽亦用雙龍單鳳帽額一邊加繡一蝶內繡
單鳳企牡丹帽額皆如一把扇式侯相以下朝帽侯弟等議定再
奏如此僭議未知合否理合肅具本章啓奏我

主萬歲萬歲萬歲萬歲御照施行

年 月

日

御照弟等所議皆是准行欽此

小弟楊秀清立在

陛下暨小弟韋昌輝石達開跪在

陛下奏為出師誅妖理合奏明事緣蒙

天父

天兄大開天恩差我

主二兄降凡誅妖目下正是殲妖將盡之時弟等僭議命夏官

又正丞相周勝坤出師廬州一帶誅滅妖魔撫安良善並

帶前拾軍兵士及弟府參護官兵人等前往如此酌議緣由
擬於捌月拾肆日起程前進理合肅具本章啓奏我

主萬歲萬歲萬萬歲御照施行

年 月

日

御照胞等嚴誥官員兵士放膽誅妖早日太平共享

天父大福也欽此

小弟楊秀清立在

陛下暨小弟韋昌輝石達開跪在

陛下奏為吹吸洋烟大犯

天條事緣據夏官正丞相何震川稟稱轉據殿右貳檢點胡海

隆稟稱前參巡查賴桂英於拾月拾捌日在天京城內

新橋地方拿獲周亞九李連升于順添等朋吹洋烟

一案並起獲烟具烟泥等件已由該官承審確實取
有口供稟報前來弟等未敢擅專理合肅具本章粘
附原供啓奏我

主萬歲萬歲萬萬歲御照施行

年

月

日

御照弟等所議皆是周亞九等即斬首不留欽此

小弟楊秀清立在

陛下暨小弟韋昌輝石達開跪在

陛下奏為起蓋

天朝宮殿先期奏明事緣弟等前奉

二兄詔旨命招木工泥工起蓋

天朝宮殿迄今多日未能奉行弟等罪實有餘今蒙

天父開恩殿右肆檢點張潮爵由安徽解回各項匠作兄弟弟等

擬於明天令仲后正侍衛張維崑帶領各匠作在朝門伺候或先起內宮或先修后林苑恭候

二兄照明以便弟等轉飭該官遵

旨辦理如此緣由理合肅具本章啓奏我

主萬歲萬歲萬萬歲御照施行

年 月

日

御照明天辰刻興工欽此

偽稟奏式

用黃紙疊成潤窄長短不拘

卑爵 奏曰 網跪稟奏

勸慰師聖神風禾乃師
賸病主左輔正軍師東主
九千歲千歲千千歲殿下為果明乞恩寬宥事緣蒙

天父

天兄大開天恩

天王鴻恩及我

東王重之厚恩命卑爵往上一江一帶巡查河道以重防禦並蒙我

東王頒發行軍號令畫本卑爵跪讀之下感激靡涯足見我

東王刻刻勞心籌謀軍機國務無微不至

卑爵

查看在

外兵均皆新招兄弟未能熟習營規是以不揣冒昧即將我

東王號令擇其至要者飭令鐫刻官刻成刷印發給各衙各頭子

一張傳諭該統下兵士人等命其時時熟讀謹記在心方不負我

東王籌謀軍務之至意也

卑爵

大膽妄議未知是否理合稟奏伏乞我

東王金裁恭請

金安

年

月

日

卑爵奏曰網跪稟奏

勸慰師聖神風禾乃師
賸病去左輔正軍師東王
九千歲千歲千歲殿下為回覆稟明

事緣於十月貳拾叁日午刻田家鎮行營敬接拾

月初柒日頒發

金諭一件蒙我

東王勞心凡保舉官員必須查其平素歷練老成精明靈

變然後傳該員前來親自勘驗觀其言語舉動進

退趨蹌果堪勝任再行保舉稟奏回朝毋得徇情

濫保等因仰見我

東王慎重人才無微不至

卑爵

遵即諭明各官嗣後凡

有保舉官員毋得徇情濫保有玷官方以重人才

而慎選舉時時親為勘驗凜遵我

東王金諭而行所有

卑爵

接奉誥諭敬復緣由理合虔

具稟奏恭請

金安

年 月

日

小弟韋俊跪稟奏

勸慰師聖神風禾乃師
九千歲千歲千歲殿下稟奏為誅妖
疇病主左輔正軍師東主

情形據實奏明事竊小弟於拾月初柒日在蕪湖

舟次接奉

誥諭一件跪讀之下遵即稟奏回朝以安

金念初玖日開船上行於拾捌日行抵田家鎮大營與

燕王秦兄公同酌議小弟帶統下尉差及圻州調

來土捌副將軍梁修仁所統左拾伍左拾柒中拾

伍參軍兵士從馬鞍山上路兜剿秦兄帶統下尉
差由馬鞍山下路兜剿兼防富池口妖魔出來作
怪小弟於拾玖日榮刻同鎮崙弟以德姪在駝背
桑樹及半壁山兩路上岸秦兄於吊桶山江邊上
岸三路兜剿詎意妖魔從馬鞍山亦分三路膽敢
前來與我聖兵迎敵鎮崙弟以德姪身邊兵士被
妖追散伊等前途直攻妖魔又從後路抄入小弟
見事勢可危即從河下上船而回秦兄率領兵士

由北路追殺不期殘妖亦分兩路來追富池口妖
魔亦來作怪秦兄首尾受敵只得亦由河下上船
而回小弟回船後時已酉刻特令統下兵士在河
邊找尋兩人均無着落有逃回兵士稟稱二人追
妖前進被妖圍繞均被矛刺昇天小弟伏思與鎮
崙弟以德姪兩載出師軍務事件均皆和儺商議
大有幫助一朝被害慘目傷心然皆由

天父排定人難逆料懇求

殿下寬心安福弟等回船之後查照兵士被傷者十有八九浸水昇天者約數百人統計千餘人昇天幸福至伊等統下各員及尉差人等已令至安省

翼王殿下聽候鋪派所有

殿下前賜石鎮藩章以德將憑二張皆帶在身邊想已失落其印信二顆現在弟處俟有妥便再行寄京軍務一切仍懇

殿下頒行誥諭俾得遵循庶不致悞特此稟奏跪請

金體金安

年

月

日

偽稟報式 黃紙長潤無定

卑爵 秦曰網跪稟報

電師左軍主將翼王五千歲千歲千歲殿下為稟明察看地勢情形

乞 恩貴裁事緣蒙

天恩

主恩及我

翼王重重厚恩命 卑爵 往湖北安徽一帶地方巡查河道以重防禦 卑

爵沿江一路以來查着地勢情形惟有彭澤縣境有一小姑山其
山居中該處水面較之各處甚窄且此處亦係湖北江西下游總

口最關緊要

卑爵

意欲在此地方兩岸築造營盤派令委員統帶

兵士在此鎮守再江中用木牌造成木城修作礮台攔放江面不獨可以防備妖船窺探且而可以稽查來往船隻

卑爵

大膽如此

妄議未知是否不敢擅專伏乞我

翼王貴裁後祈稟奏

東王金鑒指示遵行如此踏看地勢緣由理合稟報恭請

貴安

年

月

日

卑爵秦曰網跪稟報

電師左軍主將翼王五千歲千歲千歲殿下稟報為回覆稟明事

緣於拾月貳拾日已刻由家鎮行營敬接拾月拾叁日頒來

貴諭壹件敬知荷蒙

天父

天兄大顯權能

天王鴻福及我

翼王威德所有建德殘妖已命冬官正丞相羅大綱暨指揮賴桂英等奉月

初拾日誅滅該處殘妖叁肆百隻餘妖潰散逃遁遠方建德一帶業已肅清矣

至興國州之育才官胡萬智並池州黃州兩郡有天試翰林亦
在於該處持印理民務命卑爵暫留伊等在於該處辦理恭候

東王金諭定奪卑爵自當凜遵而行又蒙我

翼王勞心教導命卑爵在田家鎮一帶盡心竭力約束官兵防守緊密盤

方可進兵直剿等諭卑爵會同國宗兄韋俊殷右叁拾宜檢照曾鳳

傳豈指揮將軍等酌議時時約束兵士加意嚴防伏乞我

翼王寬心安福如此緣由理合虔具稟報恭請

貴安

年

月

日

偽稟申式

紙黃紅長潤俱無定

殿右叁拾檢點

小卑職

陳玉成敬稟申

燕王

台下緣

小卑職

前因恢復武瑯微勞蒙

天父

天兄大開天恩及我

天王

東王暨列王厚恩升為殿右叁拾檢點之職感激國報奮不顧身不料

水路有曾妖頭炮船下來甚屬利害旱路有搭楊二妖前來

十分作怪

小卑職

所統帶後拾叁軍兵士並水營前肆軍兄

弟苦戰不能取勝只得棄船下退保守圻黃聞對江武瑯城內
國宗大人及地官副丞相大人亦守不住大約也要退守大治
興國一帶今聞

燕王巡查河道不日可到圻州田家鎮小卑職欣幸之至特此稟申
並稟知國宗兄齊會於田家鎮庶可誅殺妖魔小卑職懇乞
燕王將來稟奏

東王代求開恩赦宥所有妖魔作怪情由理合稟申並請
玉安

年 月

日

偽敬稟式

紙色尺寸俱無定並有用白稟寫者

後貳軍軍帥功勳加壹等 小卑職 劉瑒得敬稟

總制大人案下緣蒙

天父開恩 小卑職 衙內兄弟眾多日逐買菜缺少錢文意欲在後貳典

聖庫請領大錢拾伍千肆百文計統下兄弟壹百柒拾餘人每名約得

捌拾文之數未敢多請理合稟明懇求

總制大人開恩施行則 小卑職 及各兄弟均感

天父鴻恩於無既矣肅此敬稟並請

玉安

年

月

日

中伍軍前營旅帥小卑職劉亞二敬稟

中伍軍軍帥功勳加壹等覃大人案下竊小卑職今奉

天命出師統下兄弟肆拾餘人僅沙窩船壹条不穀起坐昨在

檢照大人衙內求發封条未曾給有船小人多實實不便今乞

天父開恩

大人格外開恩在

張大人衙內代小卑職求與封条壹張以便往河下封船壹条特此敬稟請

軍帥大人玉安

年

月

日

中肆軍前營前壹卒長功勳加壹等小弟覃瑞容敬稟

後營師帥善人功勳加壹等陳兄案下緣明天拾玖日房宿

禮拜之辰弟統下肆兩司馬共帶兄弟壹百叁拾伍名內牌

面玖拾捌名每名領錢貳拾壹文共領錢貳千零伍拾捌文

牌尾兄弟叁拾柒名每名領錢拾肆文共領伍百貳拾捌文

二共應領錢貳千伍百捌拾陸文兩司馬肆員每員領俸錢叁拾

伍文共該錢壹百肆拾文小弟俸錢柒拾文統共實領禮拜

錢貳千柒百玖拾陸文理合具稟懇求

師帥善人發下以便分與眾兄弟同沾

天恩魚辦供物虔誠祭告

天父祝福無疆於此緣由理合敬稟寫明並候

善人兄台玉安

年

月

日

偽告示

賊之初踞永安也官兵四集負固深藏何告示
之有即洪逆發令不過以寸條書數語曉諭賊
衆而已及由長沙下竄始明目張膽大肆偽言
洎陷江寧夜即自大大張偽示遍貼街衢楊逆
所出偽示稱誥諭韋逆稱誠諭石逆稱訓諭秦
胡二逆稱誨諭出外虜掠國宗亦稱誨諭侯相

檢指稱曉諭將軍以下稱劉諭偽王皆黃紙龍
邊侯以下紅紙無邊誥諭上畫雙龍下雲水誡
諭上畫雙鳳下雲水訓諭上畫雙獅下雲水誨
諭上畫雙虎下雲水紅紙告示無多故未刊刻
畫式刑賞生殺喜慶生誕亦皆出示如洪逆偽
生誕則楊逆出示楊逆則韋逆出示韋逆則石
逆出示之類一示之成更易數四由偽侯定稿

呈於石逆准行則送偽詔命衙繕寫寫成交石
逆判朱送楊逆處蓋印轉交偽宣詔官發貼滿
紙荒唐莫可句讀且城中閭市半皆榛莽縱有
居民亦多粗鄙方欲逃之不暇何遑屬目賊意
在惑人是又將誰惑耶至於在外擄掠之劇賊
其告示繁多愈難僕數今就俘獲之件參以逃
人口述及江甯城內所出之示標著數式以例

其餘

楊逆告示式

黃紙雲龍邊長每七八尺高三四尺不等

真天命太平天國

勸慰師聖神風禾乃師
賸病主左輔正軍師東王

為

誥諭朝內軍中大小官員王親國戚以及兵士水手兄弟等知悉緣

天父

天兄大開天恩特差

真主天王降凡救世誅滅妖魔普天天下凡屬臣民俱宜感激涕零以仰副

天父

天兄差我

主天王降凡之意茲於拾貳月初玖日恭逢

天王萬壽之期

本軍師及列王尚且備奇珍異寶進獻

天朝為我

天王祝壽爾等為官為民俱要認真

天父敬念

天王多多採辦寶物先期拾日齋獻

天朝並具本章由

本軍師代奏以邀

天貺並於萬歲前三日一心齋戒虔敬

天父報答

天恩為此特行誥諭爾等須要凜遵毋得觀玩自誤致負

本軍師屬望殷殷之至意切切誥諭

易經卷之八

太平天國 年 月 日

韋逆告示式 黃紙雲龍邊如上式

真天命太平天国雷師後護又副軍師北王韋

為

誠諭朝內軍中官員兵士及各衙兄弟人等毋受妖惑致干

天誅極宜猛醒事緣蒙

天父

天兄大開天恩特差

真主降凡宰治天下又命

東王下凡乃理世人輔佐朝綱

天恩至大凡屬含生賦性者應時時感救方足以圖報

天恩於萬一迺織營總制吳長崧等身受

天恩不知圖報勾結妖魔欲破天京蒙

天父大顯權能密中指出將妖魔殺退並拏獲剪髮通妖逆犯多名以正

天法又有妖婦朱大妹膽敢謀逆欲私藏紅粉毒害

東王亦蒙

天父指出此等行為實實令人髮指除將朱大妹明正

天法外誠恐爾等囿於妖習一時被惑作出此等逆事迨至身首異處已不

可救

本軍師心實不忍為此特行誡諭爾等須要認實

天父仰體

天王

東王救世之意雖現下苦些大家堅草耐草將來自有大福享也若

生異心是自甘鬼路前功盡棄那時悔之無及也切切凜遵毋違

誠諭

太平天国

年

月

日

石逆告示式 黃紙雲龍邊如式

真天命太平天國電師左軍主將翼王石

為

訓諭 縣良民各安生業勿受妖惑驚慌遷徙事照得

天父

天兄大開天恩親命

真主天王宰治天下又命

東王及

北王輔佐朝綱業已建都天京現下四海歸心萬邦向化今特命

本主將前來安徽撫安黎庶援救生靈爾等良民生逢其時何其
大幸茲因四路尚有漏網殘妖未盡誅滅業經特派大員統兵四
出搜捕妖魔誠恐爾等惑於謠言擅自遷徙縱有黥點殘妖竄入
該境爾等即遵

本主將前次頒行訓諭一體嚴拿解至安徽自有重賞為此特行
訓諭爾等良民須要敬

天識

主認真

東王那時自有

天父看顧也切不可妄聽浮言須知一經遷徙或丟家業或喪身命其害不可勝言統俟

天父大顯權能將四海殘妖誅盡自享永福於無窮也爾等其各凜遵毋負

本主將訓誨殷殷之意也切切毋違訓誨

吳中夢餘錄卷一

年 月 日

韋石兩賊告示式

素黃紙無雲龍邊

真天命太平天國天朝國宗提督軍務

韋石

為

誨諭官兵良民人等各宜革除汚俗以歸正道事照得去邪所以

崇正革故即以鼎新緣蒙

天父

天兄大開天恩親命

真主天王降凡主宰天下復差

東王及

列王輔佐朝綱斬邪留正除暴安良業已建都天京四海投誠萬方
向化振方新之

國運人盡歸真革已敝之頽風俗皆改舊嚴男行女行之別秉至公
至正之心凡普天天下有不合乎規條越乎禮義者均我

天朝所深惡而痛恨者也茲

本國宗恭承

天命出師安民革除惡習禁遏流風聞爾等地方有邪淫之輩干犯規條為
此愷切誨諭仰爾官兵良民一體知悉凡有惑亂人心敗壞風俗
者列明於左

一男行女行最宜分別也間有官兵等將污穢衣服送與民婦洗
浣並有僱倩民婦縫補衣服者既已私相授受難保眉目傳情
不可不防微杜漸以儆歪風嗣後如有官兵僱倩民婦洗衣縫
紉者概斬不留其有奸淫情事者男女並坐

一娼奴最宜禁絕也男有男行女有女行男習士農工商女習針指中饋一夫一婦理所宜然倘有習於邪行官兵民人私行宿娼不遵條規當娼者合家剿洗隣佑揜送者有賞知情故縱者一體治罪明知故犯者斬首不留

一洋煙黃煙不可販賣吸食也洋煙為妖夷貽害世人之物吸食成癮病入膏肓不可救藥黃煙有傷膚體無補饑渴且屬妖魔惡習倘有販賣者斬吸食者斬知情不舉者一體治罪

以上各款爾等官兵民人俱要嚴為禁絕不可故犯倘有犯此
者一經察覺定按

天法究治

本國宗言出法隨決不姑寬凜之慎之母違誨諭

年 月

日

秦逆告示式 黃紙雲龍邊

真天命太平天國燕王秦

為

誨諭 縣四民急崇真道勿受妖迷致干

天誅事緣蒙

天父

天兄大開天恩親命

真主天王降凡斬邪留正復差

東王輔佐朝綱輯安黎庶茲於月又命

本燕王統帶雄兵百萬週游天下良善必救妖匪必誅凡爾四民
正好安居樂業永享

天福於無窮但良莠不齊其救

天識

主者固多而輕信謠言者亦復不少近有不法之徒甘受妖惑胡言謬
語捕風捉影搖亂人心以致愚民互相驚擾除嚴飭官兵分段查

拏造言之人外為此特行誨諭凡爾四民須要醒醒不必多生恐
懼況各郡縣業已團集鄉兵即有些少殘妖攔入何難一時撲滅
自諭之後各宜安分守業倘再搖動那

天法無私一家老幼均斬不留切切凜遵毋違誨諭

年

月

日

陳賊告示式

素黃紙無雲龍邊

真天命太平天國真忠報國佐天侯加壹等世襲陳

為

曉諭大小官員兵士人等知悉照得貴賤宜分上下制度必判尊

卑緣蒙

天父

天兄大開天恩差

真主天王降凡為萬國太平真主復差

東王及

列王輔佐朝綱綏安良善現下景運昌隆文章黼黻理宜恪遵定制以判崇卑是以

東王格外勞心因紅黃二色為

天朝貴重之物凡有官者即遵官職製造穿著無官之人僅准紅色包頭其汗袍蚊帳足襪尤不准用限至來春肆月初壹日止逾限者斬首不留等因遵此為此特行曉諭仰爾大小官員兵士人等極宜

遵守禮儀鄭重紅黃二色其已成之物只准穿在內服不准作為
外觀倘限期已滿一經查出按照

天法斬首不留那時後悔無及勿謂諭之不先也亟宜凜遵毋違曉諭

年

月

日